



Z126.1
1
57





卷十四

士虞禮第十四

卷十五

特牲饋食禮第十五

卷十六

少牢饋食禮第十六

卷十七

有司徹第十七

儀禮注疏目錄

儀禮注疏卷七

漢鄭氏注 唐陸德明音義 賈公彥疏

大射儀第七

大射之儀

音義

射食夜反

○君有命戒射


注

將有祭祀之事

當射。宰告於君。君乃命之。言君有命。政教宜由尊者。**疏**

釋曰。自此盡西紘。論射前預戒諸官及張侯設樂縣之事。不言禮言儀者。以射禮盛威儀多。故以儀言之。是以射義云。孔子曰。射者何以射。何以聽。循聲而發。發而不失。正鵠者。其唯賢者乎。若夫不肖之人。則彼將安能以中。是其射容難。故稱儀也。**注**釋曰。云將有祭祀之事。當射者。按射義云。天子將祭。必先習射於澤。澤者。所以擇士也。已射於澤。而后射於射宮。射中者。得與於祭。不中者。不得與於祭。是其將祭必射也。云宰告於君。君乃命之者。鄭意下云。宰戒百官者。宰先告君。君使之戒。乃戒。即云戒百官是也。云言君有命。政教宜由尊者。其經云

子 口 車 吉 言 二 之 出 人 三 十 五 注



義

滌。大歷反。灑。古代反。

疏

釋曰。此宰夫戒。是再戒之宿。不云宿者。辟下宿視滌。何者。宰夫戒。是申戒。下宿

是夕宿。是以宗伯云。凡祀大神。享大鬼。祭大示。帥執事而卜日。宿視滌濯。注云。宿申戒也。皆前有射人戒。是七日前期。此宰夫戒。是申戒。又知宿是夕宿者。以戒宿同文明。不同日。以其上云前射三日戒。明此非三日。是前一日矣。**注**釋曰。云宰夫豕宰之屬者。按大宰云。小宰中大夫二人。宰夫下大夫四人。屬豕宰。故云豕宰之屬云。掌百官之徵令者。宰夫職文云。司馬於天子政官之卿者。小宰職云。四曰司馬其屬六十。掌邦政。是也。云凡大射則合其六耦者。大司馬職云。若大射合諸侯之六耦。是將祭而射。故使諸侯為耦。若其餘射。則卿大夫以下為耦也。云滌謂灑器掃除者。以其諸侯射。先行燕禮。宿視滌器。明滌器是射器及掃除射宮也。○司馬

命量人量侯道。與所設乏。以貍步。大侯九十。參七十。干

五十。設乏。各去其侯西十北十。**注**量人司馬之屬。掌量

道巷塗數者。侯謂所射布也。尊者射之以威。不寧侯卑

者射之以求爲侯。量侯道。謂去堂遠近也。容謂之乏。所以爲獲者之禦矢。狸之伺物。每舉足者止視遠近。爲發必中也。是以量侯道取象焉。鄉射記曰。侯道五十弓。考工記曰。弓之下制六尺。則此狸步六尺明矣。大侯。熊侯。謂之大者。與天子熊侯同。參。讀爲糝。糝。雜也。雜侯者。豹鵠而麋飾。下天子大夫也。干。讀爲豸。豸侯者。豸鵠豸飾也。大夫將祭於己。射麋侯。士無臣。祭不射。

音義

參。依注音糝。素

感反。干。依注音豸。

疏

巷。塗數者。量人職文。量人屬司馬。

故云司馬之屬也。云侯。謂所射布也者。以其三侯皆以布爲之。而以皮爲鵠。旁又飾以皮也。云尊者射之以威不寧侯者。卽梓人云。毋或若汝不寧侯。不屬于王所。故抗而射汝。是也。云卑者射之以求爲侯者。射義云。故天

子之大射謂之射侯。射侯者射爲諸侯也。射中則得爲諸侯。射不中則不得爲諸侯。是也。云容謂之乏所以爲獲者之禦矢者。禦矢者此云乏。周禮射人云容所以爲獲者之禦矢。解容乏之義。以其容身。故得禦矢。言乏矢於此。乏置不去也。云則此狸步六尺明矣。鄭云此者陰破先鄭案先鄭注射人。狸步謂一舉足爲步。於今爲半步。故鄭彼注亦引弓之下制六尺以非之也。云大侯熊侯謂之大者與天子熊侯同者。司裘職云王大射則共虎侯熊侯豹侯。設其鵠。諸侯則共熊侯豹侯。彼畿內諸侯二侯以熊侯爲首。此畿外諸侯亦得用三侯。其數上同于天子。而非畿內諸侯所可比。故於熊侯加大以別之。然不嫌於逼上者。天子三侯則虎侯熊侯豹侯。諸侯不得用虎侯。而以熊侯慘侯豕侯爲三侯。若畿內則但有熊侯豹侯。此其所以別也。云參讀爲慘。慘雜也。雜侯者豹鵠而麋飾下。天子大夫也者。司裘云卿大夫則共麋侯。此則以豹皮爲鵠。以麋飾其側。不用純麋。是下天子大夫也。必知以豹爲鵠。以麋爲飾者。天子卿大夫用麋侯。諸侯卿大夫亦用麋侯。竝據己家用之。若助祭亦射君之第二侯。明君之第二侯用麋飾其側。侯以飾得名。又畿內諸侯。第二侯用豹爲鵠。故知畿外諸侯亦以豹皮爲

鵠可知。云干讀爲犴。犴侯者。犴鵠。犴飾也者。亦取捷黠意。大夫將祭於己。射麋侯者。司裘云。卿大夫共麋侯。是天子卿大夫以孝經云。大夫有爭臣三人。以有臣。故將祭得大射。擇士。鄭言此者。以己射用麋侯。又見助君祭。亦射君之麋侯。云士無臣。祭不射者。孝經云。士有爭友。不言臣。以僕隸爲友。司裘卿大夫下不言士。故祭不言士。大射。若然。士有賓射。燕射。不得大射。雖不得大射。得與君賓射。故射人注不言士者。此與諸侯之賓射。士不與也。若然。諸侯之士亦然也。

遂命量人巾車張三侯。大侯之崇。見鵠

於參。參見鵠於干。干不及地。武不繫左下綱。設乏。西十

北十。凡乏用革。

注

巾車。於天子宗伯之屬。掌裝衣車者。

亦使張侯。侯。巾類。崇高也。高必見鵠。鵠所射之主。射義

曰。爲人君者。以爲君鵠。爲人臣者。以爲臣鵠。爲人父者

以爲父鵠。爲人子者。以爲子鵠。言射中此。乃能任己位

也。鵠之言較。較直也。射者所以直己志。或曰鵠鳥名。射之難中。中之爲俊。是以所射於侯取名也。淮南子曰。鵠鵠知來。然則所云正者正也。亦鳥名。齊魯之間名題肩爲正。正鵠皆鳥之捷黠者。考工記曰。梓人爲侯。廣與崇方。參分其廣而鵠居一焉。則大侯之鵠方六尺。繆侯之鵠方四尺六寸大半寸。豢侯之鵠方三尺三寸少半寸。及至也。武迹也。中人之足長尺二寸。以豢侯計之。繆侯去地一丈五寸少半寸。大侯去地二丈二尺五寸少半寸。凡侯北面西方謂之左。前射三日。張侯設乏。欲使有事者豫志焉。

音義

見賢遍反。裝音莊。所射之射食亦反。下射之所射侯同。中丁仲反。下難中。

中之皆同。任音壬。較音角。鵠音干。劉音岸。又音鴈。正音征。題大西反。黠戶八反。參七南反。又音三。大音泰。下大族。釋曰。上文直命量人量侯道及乏遠近之處。此經同。論張侯高下之法也。云設乏西十北十者。鄉射云。乏參侯道。居侯黨之一。西五步。注云。此乏去侯北十丈。西三丈。此經云西十北十。則西與北皆六丈。不得爲三分居侯黨之一者。以其三侯入堂深故也。若然。此三侯之下。總云西十北十。則三侯之乏皆西十北十矣。西亦六丈者。以三侯恐矢揚傷人。與一侯亦異也。侯之廣狹取度於侯道。釋曰。云中車於天子宗伯之屬者。周禮巾車屬宗伯。故云宗伯之屬也。云掌裝衣車者。天子五路。木路無革鞞。革路有革無異飾。玉路金路象路有革鞞。又有王金象爲飾。孤乘夏篆。卿乘夏縵。皆以物爲飾。故云裝衣車者也。云侯巾類者。侯亦有飾。故鄉射記云。凡畫者丹質。及正鵠之飾。故云巾類也。引射義者。欲證射以鵠爲主也。云鵠之言較較直也。射者所以直己志。并下注云。然則所云正者正也。此取射義解之。故射義云。射者內志正。外體直。然後持弓矢審固。注云。內正外直。正鵠之名。出自此。是也。云或曰鵠鳥名。射之難。中之爲俊。是以所射於侯取名也。并下云。亦鳥名。齊魯之

開名題肩爲正正鵠皆鳥之捷黠者鄭以正鵠之名有此二義故兩解之也云考工記梓人爲侯廣與崇方參分其廣而鵠居一焉者三等皆高廣等引之者將欲解經見鵠之義故先知侯鵠廣狹尺寸也云則大侯之鵠方六尺者以侯道九十弓弓取二寸二九十八侯中丈八尺三分其侯而鵠居一故知鵠方六尺也云慘侯之鵠方四尺六寸大半寸者以侯道七十弓弓取二寸則侯中丈四尺三分其侯鵠居其一丈四取丈二三寸得四尺又於二尺之內取尺八寸又得六寸又二寸一寸爲三分總六分取二分二分於三分爲三分寸之二三分寸之二卽是大半寸故云慘侯之鵠方四尺六寸大半寸也云豨侯之鵠方三尺三寸少半寸者豨侯侯道五十弓弓取二寸則侯中方一丈三分其侯鵠居一焉一丈且取九尺得三尺一尺取九寸得三寸一寸分爲三分得一分爲三分寸之一則是少半寸故云豨侯之鵠方三尺三寸少半寸也云中人足長尺二寸者無正文以目驗而知云以豨侯計之者以大侯慘侯高下無文豨侯云下綱不及地武則豨侯下綱去地尺二寸以是從豨侯計之也豨侯侯中一丈上下躬及上下舌各二尺合八尺是丈八尺矣又下不及地尺二寸則豨

侯上綱去地丈九尺二寸也。糝侯侯中丈四尺中上中
下各四尺得八尺并之二丈二尺也。鵠居侯中三分之
一。則鵠下亦有四尺六寸大半寸。通躬與舌四尺爲八
尺六寸三分寸之二矣。張法。糝侯。鵠下畔與豨侯之上
綱齊。所謂見鵠於豨。自餘糝侯鵠下畔八尺六寸大半
寸在。掩豨侯亦如之。豨侯上綱本去地丈九尺二寸。直
掩八尺。上有一丈一尺二寸在。復掩六寸。上有一丈六
寸在。復掩三分寸二。唯有一丈五寸三分寸一在。少半
寸者。卽三分寸一也。言大半寸者。卽三分寸二也。故知
糝侯下綱去地一丈五寸少半寸也。大侯中丈八尺。中
之上下各四尺。卽八尺矣。中方丈八尺。更加八尺。二丈
六尺也。糝侯去地丈五寸少半寸。本上綱下綱相去二
丈二尺。其舉也。上綱去地三丈二尺五寸少半寸也。大
侯鵠下畔與糝侯上綱齊。所謂見鵠於糝也。侯中丈八
尺。三分之則鵠下亦有六尺。下躬身四尺。一丈矣。則大
侯自鵠以下掩糝侯一丈也。自一丈以下。猶有二丈二
尺五寸少半寸在。是大侯下綱去地亦然。故注依此數
也。云前射三日。張侯設之。知三日者。前文云前射三日。
下云樂人宿縣。下云厥明。自前射三日以後論事。
不著異日。故知張侯與設之。同是射前三日矣。○樂

人宿縣于阼階東。笙磬西面。

注笙。翕生也。東爲陽中。萬物

金奏。贊陽出滯。沽洗所以脩

方鍾磬。謂之笙。皆編而縣之。

全爲肆。有鍾有磬爲全。罇如

音義縣音懸。注同。罇本又作洗。西典反。編必連反。又

疏**注**釋曰。云東爲陽中。萬物

午故東方爲陽中也。萬物

族用事故萬物生焉。云春秋

景王辭引之者。證鍾磬爲笙

管。據度律均鍾。金卽鍾也。故

洗所以脩絜百物。考神內賓

辰。三月百物脩絜而出。考神

賓客。但東方陽管。唯有此二